

EVSEBII DIEM,
AVGVSTO, POTENTISSIMOQVE PRINCIPI,
AC DOMINO,
FRIDERICO
GVILIELMO,
BORVSSIAE REGI,
MARGGRAVIO BRANDENBVRGENSI,
S. R. I. ARCHICAMERARIO, ET PRINCIPI ELECTORI,
ET RELIQA,
PIO, FELICI, AVGVSTO, PATRI PATRIAE,
NATALEM,
ORATIONE PANEGYRICA,

IOHANNE SAMVELE STRIMESIO,
ELOQV ET HIST. PROF. PVBL. ORD.
SOLENNITER CELEBRANDAM,
INDICVNT,
ATQVE, AD AVDIENDAM EAM,
ILLVSTRISSIMOS BORVSSIAE PROCERES,
CETEROSQVE LITTERARVM FAVTORES, ET CIVES,
REVERENTER, OFFICIOSE, ET HVMANITER,
INVITANT
RECTOR ET SENATVS
REGIAE ACADEMIAE REGIOMONTANAE:



REGIOMONTI,
LITERIS REUSNERIANIS;



Iper universum, quam longē patet,
Borusi Regis imperium, dubium
cuiquam esse posset, quo potissi-
mum honore cultuqve Patris Pa-
triae Natalis, *proxima Iovis*, auspiciousimo omi-
ne recurrens, celebranda foret, hunc vel in-
spectum felicissimae diei nomen ad debitae
tantaeqve luci convenientis gratulationis offi-
cia accenderet. Nam cum in fastis auspiciem
hanc fortunae publicae diem, EVSEBII appel-
latione insignitam, ceruimus, facile admone-
mur omnes, ut memoriam prosperitatis illius,
quae subjectis gentibus ante hos tres et trigin-
ta annos obtigit, rite obituri, *Eusebios* nos
praestemus, Piiqve Principis natalem debitae
in Deum Regemqve pietati, et ardentissimis,
pro perennatura Augusti salute, precibus, de-
votisqve suspiriis dedicemus. Haec scilicet
iusta sunt, quae exoptatissimae luci debentur,
solennia; non illa, quae superstitiosa profana-
rum gentium consuetudo, sacrificio libi, id est,
farre, melle, et oleo, aut invitatione Genii ad
epulas, quae ture fiebat et vino, in Natalibus
Caesarum sancivisse legitur. Quid enim ju-
stum magis et decens, quam optimi Regis Na-
talem reverenti pietate prosequi; quam reli-

giosis

Pol. 8. III. 719 / 88r



giosis supplicationibus illa die, q̄va vivendi initium fecit, perpetuam ei incolumitatem apprecari, a cujus vita et prosperitate, publica omnium pendet felicitas.

Quod ergo devota Augusto Regi Academia ex eo tempore, ex quo illud saeculi Principumque ornamentum, FRIDERICVS GUILIELMUS, Divi Patris solium conscendit, submisso et reverenti cultu, quotannis observare solita est, idem et Postrid. Idus Augusti tanto alacrius, hoc anno, exsequetur, quanto recentius gaudium pectore servat, cum auctorem fortunae Borussiae et praesidem, divinaeque benignitatis dispensatorem, non ita pridem aspicere, beatoque Augusti vultus intuitu frui contigerit. Nec longius ex infinito Regiarum virtutum cumulo, publicae pietatis precumque pro salute imperantis fundendarum, argumenta repetet; sed summa tantum praecipuarum laudum capita breviter delibabit, quae praesentis anni historia uberrime suppeditat. Commendabit coelo Principem, Patrem Patriae indulgentissimum, qui omnem felicitatis suae mensuram ex subditarum sibi gentium flore metitur. Commendabit coelo Principem, solertissimum juris et aequi administra-

nistratorem, qui legum Themidisque curam providentissime suscipit. Commendabit coelo Principem, accuratissimum castrorum lustratorem, qui imperatorium sudorem militari pulveri miscere pulchrum aestimat, ut securos, armorum praesidio, populos praestet. Commendabit coelo Principem, novorum commerciorum fundatorem, qui mercaturae et navigationi favet, ut abundantiam opesque in sibi subjectos derivet. Commendabit coelo Principem, Musarum statorem, qui Academias benigne ac sollicitè respicit, ut litterarum decus, pari, quae cetera omnia, felicitate, efflorescat.

Atque hujus devotissimae pietatis suae testes et auditores honorificentissimos, et optat, et sperat, et summa reverentia sibi expetit, Illustrissimos Borussiae Proceres, quos Musarum suarum Maecenates religiosissime veneratur. Nec defuturos confidit Honoratissimos omnium Ordinum Hospites, litterariosque Cives, qui optimas artes in deliciis habent, et gloriosissimo illarum Nutritori extensos in Nestorem aevum annos apprecari, et certam magni nominis immortalitatem gratulari amant.

P.P. IV. Id. Aug. A.N.C. MDCC XXI.

